

3 YOANE

Pepa Yoane ingere muli ndo panzi kalo-tawana tamâta

Yesu ne pâri tamâta Yoane ingere ngua pinde panzi kalo-tawana tamâta ngu (1-2 Yoane), aku zo pinde ilâ lâ, njineŋga ingere ngua pinde kilo. Ingere ngua njine ku io ilâ pa ninambwe tonje, i ŋa tu Gaius. Gaius nde tamâta ŋalae lâ kalo-tawana tamâta ngu tonje, aku Yoane indekana i ŋana kie ara iveta panzi kalo-tawana tamâta soka lombo simâ sipâŋga i ne lawea njinde. Andeta Yoane iporo ngua kaika ilelea tamâta tonje imo kunzi ngu njinde, i ŋa tu Diotrefes, ŋana tu i ipu muli panzi tamâta lombo ku ipasuka tamwata tini.

¹ Naŋa amo kalo-tawana tamâta ngu nenzi katonâŋa. Naŋa angere ngua lâ pepa njine tini imâ pa noko, Gaius. Noko nde naŋa niŋgu-nambwe sondo, aku naŋa aporo mao nâ tu naŋa ilonju ndo keno pa noko.

² Niŋgu-nambwe, naŋa ilonju tu vetâŋa rârâni noko uru kuveta njinde ma ipâŋga sondo nâ. Aku naŋa ilonju tu pukonja kie-kie rârâni ma injeŋge ŋanano tona. Naŋa asama tu noko ne ilo-kalo tava ne kalo-tawana nde ikeno ara nâ. ³ Munja, ninda-nambwe pinde nde simâ ŋana simora naŋa kê, aku situla noko parina pa naŋa mine tu noko uru kupono muli pa ngua mao nâ. Kinzi siporo tu noko kupile vetâŋa mao njinde tia ndo. Naŋa alonjo ngua mine, aku wiŋgu ara ndo. ⁴ Lâ zo ndia naŋa alonjo ngua tu naŋa natunju uru sipono muli pa ngua mao

nâ, ande ñinde iveta ilonġu ara ndo, aku ndekâña ñinde ipole nanenġu ndekâña pinde rârâni.

Gaius iveta wurâta ara

⁵ Nĩngu-nambwe, noko uru kuponu muli pa vetâña ara, aku uru kuveta kie ara ndo ñana kuvilanzi kalo-tawana tamâta ñinde soka lombo simâ pano. Noko munġa kusamanzi tia, andeta kuveta kie ara nâ panzi. ⁶ Tamâta ñinde sitapâri panzi maka nema ŋgu ñana noko ne tini-mwasa ñinde kâ. Aku lâ zo ndia tamâta lombo mine situ soka nzalanzi kilo silâ kâ, ande ara ñana noko ma kuvilanzi kilo ñana kelekele pinde ñana nenzi yokâña kâ. Maro Kindeni ilo pa vetâña mine. ⁷ Munġa, tamâta lombo ñinde ilonzi tu siveta wurâta ñana situla Yesu parina kâ, aku sipile warakanzi nenzi lawea ku silâ ñana siveta mine kâ. Andeta kinzi sinonzi tinikoa pinde ñana kelekele silanzi kâ, ande tia. ⁸ Mine nde ara ñana kinda kalo-tawana tamâta ma tavilanzi tamâta ñinde uru siveta wurâta pa Yesu. Ambo kinda ma taveta mine, ande kinda ma tapâña nenda wurâta taitu kunzi, ñana tatula Maro Kindeni kawa ŋgua mao kâ.

Diotrefes uru iveta vetâña sakamao

⁹ Naña munġa anġere ŋgua pinde lâ pepa tini imâ panzi tamâta lâ noko ne ŋgu. Andeta Diotrefes itu i ma ipâña tamâta mbâna-mbâna panzi, aku ipu muli pa maka nema ŋgua ñinde. ¹⁰ Mine kala ambo naña ma amâ amo kumi, ande naña ma aporo pwataki ñana mâsi ñinde i uru iveta. I uru iporo ŋgua nao-muli wa ŋgua soki-soki rârâ ñana maka kâ. Andeta ñinde nâ tia; i tini pwâka tu ikainzi kalo-tawana tamâta soka lombo ñinde ku ionzi lâ

i ne luma ilo. Aku lâ zo ndia tamâta pinde sikainzi lombo ñinde ñana sionzi lâ warakanzi nenzi luma ilo, ande i uru isilikananzi kaika, aku injaranzi piti lâ ñgu ñinde.

Demitrius uru iveta vetâña ara

¹¹ Niñgu-nambwe, noko ma kupaveta kuku mâsi sakamao mine ndimo. Ara ñana noko ma kupaveta kuku vetâña ara nâ. Tamâta ea kinzi uru sipaveta kuku vetâña ara, ande kinzi simo Maro Kindeni natu wukale. Anja tamâta ea kinzi uru sipaveta kuku vetâña sakamao, kinzi ñinde sisama Maro Kindeni kilala, ande tia.

¹² Tamâta rârâni uru situ Demitrius parina tu i nde tamâta ara ndo. Aku i tamwata ne vetâña itula pwataki tu ñgua ñinde nde mao nâ. Aku maka kala katula ñgua pwataki ñana i ne vetâña ara ñinde kê, aku miki kasama tu maka uru kaporo ñgua mao nâ.

Katonâña ilo ndo tu ma imora Gaius

¹³ Naña ilonju tu anjere ñgua rârâ imâ pano, andeta tiningu pwâka tu ao ñgua ñinde lâ pepa tini.

¹⁴ Naña ilonju tu amâ amora noko walele nâ, aku lâ zo ñinde kinda rua ma taporo wa tapalonjo wa.

¹⁵ Wisi-pisi imâ pano. Ninda-nambwe lâ maka nema ñgu ñine nde kawanzi kari ara pano. Aku ara ñana noko kala ma kuporo wisi-ara ne ñgua mine nâ ilâ panzi ninda-nambwe taitu-taitu simo lâ noko ne ñgu ñinde.

MARO KINDENI KAWA NGUA
The New Testament and Psalms in the Sio Language of
Papua New Guinea
Nupela Testamen long tokples Sio long Niugini

copyright © 1995 Wycliffe Bible Translators, Inc.

Language: Sio

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-08

PDF generated using Haiola and XeLaTeX on 11 Nov 2022 from source files dated 9 Oct 2020

21a9f7d3-4b3e-512c-ab21-eb25ed7aef4f